

詩

地

理

徵

皇清經解續編卷千四十二

南菁書院

詩地理徵四

嘉定朱右曾亮甫著

小雅

周道倭遲

釋文韓詩作倭夷

傳曰周道岐周之道也倭遲歷遠之貌右曾案文選注引韓詩作威夷辭君威夷險也

地理志曰右扶風郿夷縣詩周道郁夷顏師古曰四牡詩周道倭遲韓詩作郁夷言使臣乘馬行於此道右曾案班氏說詩皆本齊魯此亦當然師古誤以爲韓詩也爾雅西陵威夷威倭聲同威郁聲轉遲省作迟夷古作尸故展轉字異漢郁夷故城在今鳳翔府隴州西五十里隴阪在焉故玉篇曰隴

夷險阻也

管

郡國志曰河南中牟縣有管城管叔邑括地志曰鄭州管城縣今州外城卽管國城叔鮮所封右曾案今開封府鄭州也

蔡

地理志曰汝南郡上蔡縣故蔡國周武王弟叔度所封括地志曰豫州上蔡縣在州北七十里古蔡國外城叔度所都有蔡岡在縣東十里因名右曾案今汝甯府上蔡縣也

王氏引郡國志河內山陽縣有蔡城劉昭曰蔡叔邑攷水經沁水注引郡國志山陽有郟城京相璠曰山陽縣西北六十里有郟城璠蓋以爲春秋之葵邱也今本郡國志無郟城之

自然則蔡城卽葵城之訛矣昭注非是

獫狁

釋文獫本或作獫狁本或作允韓怡曰說文無獫狁字漢書匈奴傳引詩獫狁之故衛青傳亦作獫允

傳曰獫狁北狄也箋曰北狄今匈奴也史記匈奴傳曰唐虞以上有山戎獫狁葷粥居於北蠻晉灼曰堯時曰葷粥周曰獫狁秦曰匈奴右曾案匈奴之先史記以爲夏后氏之苗裔魏書以爲黃帝之胃夏后氏亦出於黃帝也孟子曰太王居邠狄人侵之又曰大王事獯鬻則殷周之際自今邠州以北悉爲荒服矣史記曰武王放逐戎夷涇洛之北則今慶陽榆林延安之境也春秋自狄疑卽其遺種至六國時趙武靈王北破林胡樓煩築長城自代並陰山下至高關爲塞秦漢因之則今山西歸化城以西及鄂爾多斯之地也

漢書匈奴傳曰懿王時戎狄交侵暴虐中國詩人疾而歌之
曰靡室靡家玁狁之故此與史記以六月之薄伐玁狁至於
太原出車之出與彭彭城彼朔方爲周襄王時詩漢書以出車爲宣王
詩之同爲斷章成文不可依據鄭氏譜曰小雅自鹿鳴至於魚
麗先其文所以治內後其武所以治外南有嘉魚下及菁菁
者我周公成王之時詩也鄭意以魚麗以上爲文王時以下
爲武王時詩正義引服虔左傳注曰自鹿鳴至菁菁者我道
文武備小政定大亂致太平樂且有儀是爲正小雅說雖小
異大致俱同又出車傳曰王殷王也南仲文王之屬則不得
爲武王以後詩

方朔方

傳曰方朔方近獫狁之國也朔方北方也箋曰築城於朔方爲
壘以御北狄之難六月箋曰鎬也方也皆北方地名郡縣志曰
夏州朔方縣什實故城在縣治北卽漢朔方縣之故城也詩所
謂城彼朔方是也漢武帝元朔二年收河南地置朔方五原郡
使蘇建築朔方城什實之號蓋蕃語也右曾案朔方漢縣屬朔
方郡唐爲夏州治元廢今榆林府西北二百里廢夏州城是也
乾隆府廳州縣志曰漢朔方城
在鄂爾多斯右翼後旗界內

案堯典朔方與嵎夷南西爲四表蓋唐虞之盛過於漢之興
地迫三代之衰戎狄入居中夏文王攘之宣王又攘之紀於
詩歌伊洛之間交乎戎迹其外無論矣史記趙武靈王攘北
地至燕代西至雲中九原其後趙益衰匈奴強遂入居河南

秦始皇三十三年使蒙恬斥逐匈奴收河南地爲四十四縣築長城因地形用制險塞楚漢之際匈奴復熾南渡河大爲邊患元朔二年遣衛青等渡西河歷高闕復收河南地立朔方郡高闕卽鎬也說詳後其地三面據大河之險爲北顧之屏藩饒水草宜畜牧又有鹽池之利主父偃言於武帝曰河南地肥饒外阻河蒙恬城之以逐匈奴內省轉輸戍漕廣中國邊備之本後漢順帝時羌亂西河上郡朔方皆殘破虞詡上疏曰三郡沃野千里水草豐美土宜產牧宜復營城邑事耕屯唐郭子儀亦云朔方國之北門西禦羌戎北虞獫狁由是觀之中國之變計獫狁之窺伺恆在朔方夷夏之強弱關中之安危恆視朔方之得失南仲城朔方而獫狁於襄蒙恬衛

青取河南而匈奴衰弱唐築三受降城而西鄙安息明失河

套而陝西之患亟其明徵也

西戎

混夷

申夷

昆夷 吠戎 犬戎 釋文申古患反 一本作患或云鄭音患案說文引詩曰

犬夷 咽矣

箋曰昆夷西戎也

采薇序

混夷戎狄國也

縣

申夷即昆夷西戎國

名也

皇

正義曰帝王世紀云文王受命四年周正月丙子朔昆

夷氏侵周一日三至周之東門文王閉門修德而不與戰昆夷

進來不與戰明退即伐之也尚書傳四年伐犬夷注云犬夷昆

夷也南仲一行并平二寇

采薇

患夷者患中國之夷則混夷也書

傳作畎夷畎混聲相近或作犬夷犬即畎之省也

皇

王氏曰山

海經云黃帝生苗龍苗龍生融吾融吾生弄明弄明生白犬白

大有牝牡是爲犬戎漢書匈奴傳曰隴以西有犬戎右臂案宋
庠國語補音引唐人說犬戎今鄯州堯蓋自鄯以東至隴皆古
昆夷所處矣

案西戎之患與周相終始史記匈奴傳曰公劉邑於豳三百
有餘歲戎狄攻大王亶父亶父亡走岐下其後百有餘歲周
西伯昌伐畎夷後十有餘年武王伐紂其後二百有餘年周
道衰穆王伐犬戎穆王之後二百有餘年申侯與犬戎共殺
周幽王於驪山之下秦襄公救周伐戎至岐始列爲諸侯又
曰自隴以西有縣諸正義曰括地志諸城秦州秦嶺縣北五十六里漢縣諸道屬天水郡緄
戎顏師古曰混夷也韋翟源之戎索隱曰地理志天水縣道故城
在渭州襄武縣東南岐梁山涇漆之北有義渠正義曰括地志肅州慶州
三十七里古獮戎邑

本義渠戎國

大荔

徐廣曰後更名焉氏

志在涇州安定縣東

秦北地郡也

三十胸衍之戎

徐廣曰在北地括地志

後漢書西羌傳曰太康

失國四夷背叛及相卽位乃征吠夷七年然後來賓至于泄

始加爵命由是服從桀之亂吠夷入居邠岐之間成湯既興

伐而攘之武丁征西戎三年乃克及武乙暴虐犬戎寇邊周

古公踰梁山而避于岐下

案侵邠者狄人獯粥非犬夷也此誤

及子季歷遂伐

西落鬼戎太丁之時季歷復伐燕京之戎後二年周人克余

無之戎于是太丁命季歷爲牧師自是之後更伐始呼翳徒

之戎皆克之及文王爲西伯西有昆夷之患北有獫狁之難

遂攘戎狄而戍之莫不賓服乃率西戎征殷之叛國以事紂

案此文多據古文紀年爲說

由是言之小雅出車大雅縣皇矣所詠蓋一

時之事周語曰穆王將征犬戎祭公謀父諫曰荒服者王蓋

犬戎本在西垂殷之衰入居雍土文王逐之遂居西垂

唐書吐谷

渾傳有樹敦城方輿紀要城在西甯衛然穆天子傳曰天子西曼頭山北祭公所謂犬戎樹敦者也

至雷首犬戎胡觴天子于雷首之阿則是時仍是處中國者

厲王之伐入于大邱

此西大邱今秦州西南百二十里西縣故城也

宣王之世犬戎

滅秦成之族王命秦仲誅之不克見殺則時已入居秦隴之

鄙逼近西畿至幽王十一年遂覆宗周襄公攘之乃有小戎

之詠而春秋閔公二年虢公敗犬戎于渭汭則秦所攘而未

盡者與西羌傳曰平王之末渭首有狄獯邾翼之戎涇北有

義渠之戎洛川有大荔之戎渭南有驪戎皆昆夷之支流餘

裔矣

南有嘉魚

傳曰江漢之閒魚所產也左太冲蜀都賦曰嘉魚出于丙穴注曰丙地名有魚穴二所常以三月取之陸氏曰丙穴在漢中沔陽縣北穴口向丙故名類要曰丙水出丙穴在興州順政縣輿地記曰大景山在興州南七十里與小景山相連有丙穴產嘉魚右曾案水涇沔水注曰褒水東南得丙水口水上承丙穴穴出嘉魚常以三月出十月入穴口廣五六尺去平地七八尺有泉懸注魚自穴下透入水下注褒水今漢中府畧陽縣南三十里有大丙小丙山也亦名大景小景山唐諱丙改曰景

焦穫

傳曰焦穫周地接於獫狁者正義曰釋地云周有焦穫郭璞曰

今扶風池陽縣瓠中是也其澤藪在瓠中而藪外猶焦穫所以
接于獵狝也孫炎曰周岐周也以焦穫繼岐周言之則于鎬京
爲西北也王氏曰漢書溝洫志曰韓水工鄭國說秦令鑿涇水
自中山西邸瓠口爲渠班彪北征賦曰夕宿瓠谷之元官注曰
瓠谷在長安西寰宇記曰焦穫藪在京兆府涇陽縣北外十數
里亦名瓠口右曾案淮南墜形訓九藪秦之陽紆高誘曰在馮
翊池陽一名具圃紆亦作防讀如胡穫瓠音同防則聲之轉也
史記犬戎弑幽王遂取周之焦穫蓋藪饒水草故屢爲戎夷所
據明一統志曰焦穫澤在西安府涇陽縣西北方輿紀要云在
中山西中山在
縣西北池陽廢縣在三原縣西北二十里漢時遺址畧存長安志池
陽舊城南去涇
陽縣二十八里戴震毛鄭詩攷正云旣整其衆處于焦穫乃侵

鎬及方至于涇陽則焦穫在外鎬方涇陽在內下章言薄伐獫狁至于太原卒章言來歸自鎬則焦穫鎬方在太原涇陽之閒王師逐之至太原後仍軍於鎬平定然後歸也涇陽今平涼府平涼縣西南太原卽安定郡高平今平涼府固原州

鎬

箋曰北方地名正義曰鎬方雖在焦穫之下不必先焦穫乃侵鎬方王基曰據下章云來歸自鎬我行永久言吉甫自鎬來歸猶春秋公至自晉公至自楚也故劉向曰千里之鎬猶以爲遠鎬去京師千里長安洛陽代爲帝都而沛陰有長安鄉漢中有洛縣皆與京師同名者也右曾案侵鎬及方溯其始也至于涇陽言其終也詩人言昔文王繕朔方爲塞獫狁于襄今乃整齊

處周之焦穫以建牙帳蓋其始侵鎬及方窺伺塞下非一日矣
浸尋不禁乃至侵及涇陽深入內地所以不得已而非時出師
也史記趙武靈王築長城自代並陰山下至高關爲塞漢書元
朔二年衛青渡西河至高關破匈奴五年大將軍青伐匈奴出
朔方高關水經注河水自嵐渾縣東屈而東流逕高關南關口
有城跨山結局謂之高關戍劉昭曰高關北距大磧口三百里
史記正義稱地理志云朔方臨戎縣北有連山險于長城其中
斷兩峯具峻名爲高關鎬通作鄯高關其卽鎬與光武改鄯爲高邑秦本紀
鎬池君篇方輿紀要曰臨戎城在廢夏州西北夏州周一千三
讀若高四百里也劉向欲言其近故約舉千里耳

涇陽

箋曰來侵至涇水之北言大恣也通典曰今涇原州地並涇水之陽郡縣志曰原州平涼縣本漢涇陽縣地今縣西四十里涇陽故城是也涇水源出百泉縣西南涇谷右曾案六國時秦有涇陽君蓋封此地平涼縣今爲平涼府治涇州在府東百五十里自平涼府治東南至西安府六百五十里

太原

正義曰王肅云宣王親伐獫狁出鎬京而還使吉甫追伐追逐乃至太原則毛意上四章說王親行下二章說遣吉甫行也王氏曰後漢西羌傳云穆王遷戎于太原夷王命虢公率六師伐太原之戎至于俞泉宣王遣兵伐太原戎不克周語宣王料民于太原右曾案地理志曰五邈郡本秦九邈郡武帝元朔二

年更名太康地理志曰自北地郡北行九百里得五邊塞通典

曰漢五邊縣城在榆林縣西

榆林唐勝州治

日知錄曰詩大原今之平涼禹貢雖指曰漢安定郡治高平縣後廢元魏改置曰平高唐爲原州治廣德元年沒吐蕃節度使馬璘表置行原州于靈縣之百里城貞元十九年徙治平涼縣西去故州一百六十里今固原州也廢縣在州西南四十平涼乃古涇陽在固原之東獫狁侵及涇陽而薄伐之自涼逐之出塞不窮迫也攷固原于漢但名高平無邊之號至元魏始置原州且經以鎬方並言明鎬與方相近上言至于太原下言來歸自鎬明太原又與鎬相近獫狁自焦穫而至涇陽兵鋒猋忽蹂躪五六百里自吉甫逐之自涇陽至高

平纔百數十里安得有武功之盛卽以爲鎬在高平與子政所云千里之鎬亦不合也

蠻荆

段玉裁云漢書韋賢傳引荆蠻來威案毛云然則毛詩固作荆蠻傳寫倒之也

傳曰荆州之蠻也鄭語史伯曰當成周者南有荆蠻韋昭曰芊姓之蠻蠻熊之後也史伯又曰叔熊逃難于濮而蠻晉語叔向曰昔成王盟諸侯于岐陽楚爲荆蠻置茅蕝設望表與鮮牟守燎吳語曰有蠻荆之虞後漢書南蠻傳曰盤瓠後滋蔓今長沙武陵蠻是也周世黨衆彌盛宣王中興乃命方叔南伐蠻方有晉案荆州之蠻非一種史伯叔向所謂荆蠻卽楚也長沙武陵蠻卽五溪蠻也干寶晉紀曰槃瓠之後雜居五溪水經沅水注曰雄溪楠溪無溪酉溪辰溪左右悉是蠻所居是也又有廩君

種後漢書曰巴郡南郡蠻本有五姓皆出武落鍾離山

山在今宜昌府

長陽縣西北七十八里

然則江漢之間悉有蠻種依范蔚宗說此經荆蠻

卽五溪蠻矣

甫草

箋曰甫田之草也鄭有甫田正義鄭有圃田釋地文也郭璞曰今滎陽中牟縣西圃田澤是也職方曰河南曰豫州其澤藪曰圃田宣王之時未有鄭國圃田在東都畿內王氏曰穆天子傳曰天子里甫田之路東至于房竹書紀年曰梁惠成王十年入河水于甫田又爲大溝而引甫水郡國志曰河南中牟縣有圃田澤水經注曰澤多麻黃草述征記云踐縣竟睹斯卉窮則知踰竟詩所謂東有甫草也郡縣志曰圃田澤一名原圃在鄭州

中牟縣西北七里其澤東西五十里南北二十六里西限長城

東極官渡上承管城界曹家陂在管城縣東三里又溢而北流爲二十

四陂補傳曰甫田易野也易野以車爲主故用以選車右曾案

傳訓甫爲大言于廣大之處芟草爲防也後漢書班固傳注引

韓詩曰東有圃草馬融傳注又引作圃草誤也然則箋易傳訓實本韓義甫

田本周藪爾雅作于周末故係之以鄭列子居鄭圃四十年無

人識者亦曰圃中戰國策信陵君曰秦七攻魏五入圃中史記

索隱曰卽圃田也

敖

傳曰地名箋曰鄭地今近滎陽郡國志曰河南滎陽有敖亭水

經注曰涉水東逕敖山北山上有城殷仲丁所遷秦置倉于其

中括地志曰滎陽故城在鄭州滎澤縣西南十七里殷時敖地在敖山之陽郡縣志曰敖山在鄭州滎澤縣西十五里春秋時晉師在敖鄆之間呂氏曰晉師救鄭設七覆於敖前則敖山下平曠可以屯兵翳薈可以設伏補傳曰敖險野也險野以人爲主故用以選徒右晉案穆天子傳宿于豷氏之隣亦卽此敖山在今開封府滎澤縣西北廢河陰縣西二十里

漆沮 率西水許

傳曰漆沮之水應鹿所生也從漆沮驅禽而至天子之所曰漆沮岐周之二水也潛箋曰公劉失職遷于豳居沮漆之地章循西水厓沮漆水側也章正義曰豳有漆沮之水但二水東流亦過周地故下傳曰周原漆沮之間章豳獻所取不宜遺于

京邑故不言豳言岐周者鎬京去岐不遠

潛

嚴氏曰此詩

漆沮

漆指豳國是漆沮之上流也下文周原傳以爲漆沮之間是漆沮之下流也吉日及潛頌言漆沮指鎬京當亦去岐周不遠也段氏漆沮有二皆出雍州皆東入于渭特有上流下流之別詩漆沮入于渭之上流書漆沮入于渭之下流十三州志云漆水出漆縣西北至岐山東入渭漢書注曰漆水在新平後漢書注漆縣故城在邠州新平縣沮水不知所在此詩之沮漆也右曾案山海經曰獫狁之山漆水出焉北流入于渭道元曰蓋自北而南矣地理志曰右扶風漆縣漆水在西說文曰漆水出右扶風杜陽縣岐山東入渭水經曰漆水出扶風杜陽縣俞山東北入于渭水經渭水注曰杜水出杜陽山其水南流謂之杜陽川

東南流左會漆水水出杜陽縣之漆谿謂之漆渠故徐廣曰漆水出杜陽縣之岐山也漆渠水南流大轡水注之卽岐水也二川并逝俱爲一水南與杜水合逕岐山西屈逕周城南又歷周原下括地志曰漆水出岐州普潤縣東南岐漆山攷方輿紀要云邠州西南至鳳翔府百六十里新平廢縣在州治西漢漆縣也麟遊縣在鳳翔府東北百二十里本漢杜陽縣地乾隆志杜陽故城在麟遊縣西北漆水在西東南流至岐山界合橫水入渭岐水在西東南合漆杜水在南東南入武功界澄水在縣城東南南流水合杜普潤城在麟遊縣西百二十里本漢漆縣地漆溪在縣南流出廢普潤縣東下流爲漆水漆縣故城無攷當在麟遊東北紀要謂在邠州西扶風縣在鳳翔府東百一十里漆河在城東一里自廢普潤縣流入縣界雍水自鳳翔縣竟東流合焉又東流逕此有漆水橋跨其

上下流入武功縣界南合潯水以入渭是漆水出豳之西南竟

南流屈東而至岐周或言出杜陽或言出漆縣其實一也康海武功

縣志曰浴水在縣北出乾州梁山南流入竟合漆水關西人讀浴若於與沮相近蓋沮水之譌

吉日集傳漆沮在西都畿內涇渭之北所謂洛水今流入鄜坊至同州入河王氏曰孔氏曰在涇水之東一名洛水與自土沮漆者別水經注曰洛水闕駟以爲漆沮之水賈宇記曰漆水自耀州同官縣東北界來經華原縣合沮水沮水出坊州昇平縣北子午嶺俗號子午水合榆谷慈馬等川遂爲沮水至耀州華原縣合漆水至同州朝邑縣東南入渭右曾案詩之漆沮在漢爲右扶風竟在涇水西書之漆沮于漢爲北地及左馮翊竟在涇水東周時但謂之洛水職方雍州其浸

渭洛周語三川震章昭解謂涇渭洛是也左傳曰成有岐陽之蒐蒐狩之處惟岐陽爲宜吉日詩瞻彼中原卽所謂周原廡廡也今世所傳石鼓文說者以爲宣王之鼓其文正與吉日相類而鼓出於鳳翔故知此漆沮亦扶風之水與洛水無涉也

史記周本紀太王去邠度漆沮踰梁山至岐下豳鄉故城在

今邠州三水縣西三十里于邠州

卽漢漆縣

爲北少東自邠至岐

則西南行也梁山在今乾州西北五里

州北至邠州百五十里西至扶風縣百許

里山勢紆迴接扶風岐山二縣之竟縣詩自西徂東周爰執

事箋曰豳與周原不能爲西東據至時從水辭言也蓋自豳西南行渡涇而南踰梁山仍循漆沮水東至周原故鄭志答

張逸曰關地今爲梅邑縣

故城在今三水縣東北二十五里

在廣山北山也

以其縣互廣沮水西

此即出北地直路西東入洛者也

有涇水從此西南行

正東乃得周故言東西云岐山在長安西北四百里

今自西

鳳翔府三百四十里

關又在岐山西北四百里

句誤也當作岐山東北百四十里

箋志

俱極明晰穎達作疏既云漆沮在關東過周地又云禹貢雍

州云漆沮既從孔安國言漆沮一名洛水漆沮爲一蓋沮一

名洛孔連言之穎達意以漆爲漆縣漆水沮爲直路沮水不

知漆自入渭沮自入洛入洛之沮不過周地非特與潛頌毛

傳悖亦與其言相矛盾矣趙氏校水經注引周本紀語脫沮

字近高郵王氏說詩改自土沮漆爲自土

杜

沮漆亦以岐陽

無沮水故耳夫川土變易名稱紛亂古地之莫攷於今夥矣

奚獨沮

疏又以梁山爲夏陽之梁山尤繆不足辨

嚴氏曰水經云沮水出北地直路縣東過焉翊祔祔縣北東入于洛此沮水之源流也漢志扶風漆縣漆水在縣西東入渭闕駟十三州志曰漆水出漆縣西北至岐山東入渭此漆水之源流也至孔氏引水經云沮水俗謂漆水又謂之漆沮此則名稱相亂矣諸家書解謂扶風漆水入渭在澧之上流而書言渭水會澧會涇之後乃過漆沮則漆沮在澧水涇水之下流與詩別也但水經出北地者止是沮水而謂之漆沮耳如上所言則詩之漆沮自是二水書之漆沮止是一水卽詩之沮也右會案嚴氏以書之漆沮爲卽詩之沮水沿孔氏之謬也凡水之例兩水相入互攝通稱說文水經謂沮入洛

而書以洛爲漆沮則亦洛入沮矣

水經注沮水出直路縣

直路故城在郿州中部縣西北二百里沮水出縣西二百里子午嶺東

南流歷檀臺川屈而西流又西南逕宜君川謂之宜君水又

東南逕襍祿縣故城西

在今西安府耀州東北一里

南合銅官水又南出

土門山西

在耀州東南四里

謂之沮水又東逕懷德城南

在西安府富平縣西

五里東注鄭渠分爲二水一水東南出卽濁水也至白渠與

澤泉合俗謂之柒水又謂之柒沮水絕白渠東逕萬年縣故

城北

在西安府臨潼縣北五十里

闕駟曰縣西有涇渭北有小河謂此水

也其水又南屈名石川水又南入于渭其一水東出與澤泉

合水出沮水

在今富平縣西十三里

與沮水隔原

相去十五里

俗謂之

柒水也東南合沮水又自沮直絕注濁水至白渠合焉故濁

水得柴沮之名沮循鄭渠東逕蓮勺縣故城北

在西安府渭南縣北七十里

里又東逕栗邑縣故城北

在同州府白水縣西北二十八里

又東北注于洛

善長所敘漆沮止于此耳至宋敏求長安志則云沮水自邠

州東北來至華原縣南流

今耀州也

乃合漆水入富平縣界石川

河乃爲合漆之地程大昌雍錄本之夫自鄜州中部縣沮水

所原之處西去邠州二百餘里不得爲古公所渡也自華原

東北銅官縣界來者善長但謂之銅官川而宋氏以爲漆水

何所案據乎郡縣志曰漆水在新平縣西九里北流注于涇

寶宇記曰水經注云漆水自宜祿縣界來又東過漆縣北

今木

水經注無此文郡縣志云官祿縣東至邠州八十里今長武縣是

卽今邠州所治也今縣西

九里有白土川東北流逕白土原東陳陽原西又東北注涇

水恐是漢之漆水但古今異名耳夫漢志漆水不言所入然說文水經關駟鄭元並言入渭其入涇之漆則於古無聞未可據以爲是也潘岳關中記曰關中有涇渭瀾澹鄭漆沮之水鄭郎漆沮四水在長安西南鄭縣皆注鄭郎水北注渭此則於扶風北地兩漆水外又一漆沮矣

千畝

祈父

傳曰宣王之末司馬職廢姜戎爲敗箋曰與姜戎戰于千畝而敗之時也正義曰周語云宣王三十九年戰于千畝王師敗績于姜氏之戎右曾案韋昭曰姜氏之戎西戎之別種四嶽之後也周語又云宣王既喪南國之師乃料民于太原韋昭曰敗于姜戎氏時所亡也南國江漢之間然則作祈父詩者其南國之

人乎史記晉世家曰穆侯十年伐千畝有功趙世家曰周宣王伐戎及千畝戰曰及曰伐則千畝乃戎部落之名居其地因以別之姜戎則其種類之統名耳郡國志曰太原界休有千畝聚杜預曰在界休縣南括地志曰在晉州岳陽縣北九十里岳陽今屬平陽府

孔晁曰宣王不耕籍田神怒民因爲戎所伐戰于近郊晁意天子籍田千畝戰在籍田非是晉地如晁說將諸侯籍田百畝亦可以百畝爲地名乎

宗周 鎬京 周宗

傳曰宗周鎬京也箋曰宗周鎬京也謂之西周

王風黍離序

正義曰

正月宗周謂鎬京也後平王居洛邑亦謂洛邑爲宗周祭統曰

卽宮于宗周謂洛邑也周宗宗周也周爲天下所宗文異而義
同王氏曰說文曰鎬武王所都在長安西上林苑中陳氏曰長
安縣昆明池北有鎬陂水經曰渭水東北與邠水合注曰水上
承鎬池于昆明池北武帝所都漢穿昆明池于是地今無可究
郡縣志曰鎬京在京兆府長安縣西北十八里自漢穿昆明池
鎬京遺址淪陷焉右晉案宗主也尊也言爲天子所尊萬邦之
主也漢書注孟康曰長安西南有鎬池譙周古史考曰武王遷
鎬長安鎬池也郡國志曰鎬在上林苑中蓋秦漢以來經營池
間鎬京遺址不可深攷恃有鎬池鎬水爲之識別耳梁載言十
道志曰鎬
池一名元趾在長安縣西昆明池北始皇毀之廟記曰鎬池周
二十一里劉曜起凌霄臺于此唐貞觀中以鎬池并入昆明池
括地志曰豐鎬二水今皆壞入昆明池無復涓流然則唐初已
無鎬水今仍有之者長安志曰昆明池舊周三百餘頃今盡爲

田據此知池竭爲田而因以其流者曰爲鏡水非復禹周舊迹也

褒

傳曰褒國也姒姓也有褒國之女幽王惑焉而以爲后詩人知其必滅周也晉語史蘇曰周幽王伐有褒人以褒姒女焉鄭語史伯曰褒人褒姒有獄而以入于王韋昭注褒姒褒君也國都城記曰褒姒姓夏同姓所封興地廣記曰興元府褒城縣故褒國漢置褒中縣括地志曰褒國故城在縣東二百步右晉案方輿紀要曰古褒國城在漢中府褒城縣東三里駱駝坪中有褒姒臺

十月之交豳妻嬭方處豳魯詩作閨毛傳曰豳妻褒姒也美色曰豳而嬭易傳訓以十月之交爲刺厲王詩以豳妻爲厲

王妃正義稱中候曰剡者配姬以放賢刺黷古今字耳中候
趙雒戒曰呂受符厲倡孽期十之世權在相自文數之至厲
王除次王爲十世此鄭所據也箋又曰幽王時司徒乃鄭桓
公友非此篇之番是以知然右曾案箋非也閻剡與黷聲近
字易漢書左雄疏曰幽厲昏亂褒閻用權谷永疏曰昔褒姒
用國宗周以褒閻妾驕扇日用不減班婕妤賦曰哀褒閻之
爲郵然班固古今人表無閻妻且以閻妻爲厲王妃則閻當
爲國然唐世系表閻國系出於姬非剡也况申伯爲宣王元
舅明是厲后申女姜姓也左傳宋督見孔父之妻于路目逆
而送之曰美而黷黷妻云者因褒姒之色以爲號耳周本紀
幽王嬖褒姒在幽王三年鄭語桓公爲司徒在幽王八年則

八年以前爲司徒者安知非番孔氏強申鄭旨謂桓公初爲司徒褒姒仍未爲后不知史伯所云皆追述前事改竄國語以就箋訓可乎經云百川沸騰山冢峯崩高岸爲谷深谷爲陵正詠地震之事周語曰幽王三年西周三川皆震詩刺幽王可知也唐一行推歷周幽王六年十月辛卯朔日有食之則詩刺幽王又可知也鄭以十月之交兩無正等四篇並爲厲王詩毛公移其篇第然正義言韓詩篇次同毛則非毛公所移易又可知也

向

正義曰左傳說桓王與鄭十二邑向在其中杜預曰河南軹縣西有地名向上則向在東都之畿內也右曾案水經注曰天漿

澗水出軹南舉向城北城在舉上湖駟十三州志曰軹縣南山
西曲有故向城竹書紀年鄭侯使韓辰歸晉陽及向更名向曰
高平括地志曰高平故城在河陽縣西四十里河陽今懷慶府
孟縣也軹縣故城在今懷慶府沁原縣南十三里

九域志曰同州有向城詩作都于向謂此未詳

蘇

箋曰畿內國正義曰蘇忿生之後成十一年左傳曰昔周克商
使諸侯撫封蘇忿生以溫爲司寇則蘇國在溫杜預曰今河內
溫縣是蘇在東都畿內也春秋時蘇稱子此云公者蓋子爵而
爲三公也王氏曰鄭語蘇已姓昆吾之後地理志曰河南溫縣
故國已姓蘇忿生所封寰宇記曰故溫城在孟州溫縣西三十

里右曾案忿生爲司寇而周公立政稱爲蘇公則蘇本公爵後降爲子耳鄭樵通志曰蘇鄴西蘇城是蓋夏殷之世本封在鄴晉語紂伐有蘇是也忿生爲周司寇乃居于溫鄴在今彰德府臨漳縣西溫今懷慶府溫縣

伯氏吹壎仲氏吹篪箋以爲喻正義稱世本曰暴辛公作壎蘇成公作篪又稱譙周古史攷曰古有壎篪尙矣周幽王時暴辛公善壎蘇成公善篪記者因以爲作謬矣世本之謬信如周言然可知作此詩者爲成公所刺者爲辛公也謚法無辛蓋以幹支立號如齊有丁公癸公已公陳有申公之類

暴

箋曰畿內國名正義曰春秋之世爲公者多是畿內諸侯書未

閭畿外有暴國今暴公爲卿士明是畿內當卿士兼公官也王氏曰春秋文八年公子遂會雒戎盟于暴杜氏曰鄭地右曾案一名暴隧左傳成十七年楚侵鄭及暴隧

芄野

傳曰芄野遠荒之地蘇氏曰地名右曾案說文曰芄遠荒也爾雅觚竹北戶西王母曰下謂之四荒郭璞曰西王母在西穆天子傳曰天子賓于西王母乃紀其迹于崑崙山名曰西王母之山地理志曰金城郡臨羌縣西北至塞外有西王母石室崑崙山祠後漢書明帝紀寶固出敦煌崑崙塞擊破白山虜于蒲類海上章懷太子曰崑崙山名周穆王見西王母于此山有石室王母臺臨羌廢縣在今西甯府西崑崙山在今肅州西南此卽爾

雅四荒之地也毛許並以遠荒釋芄野當與此相近又案淮南
修務訓曰野旣有芄莠槎櫟窟虛比連以象宮室西戎之俗板
屋穴居芄野之名殆取于此乎

淮水

地理志曰南陽平氏縣桐柏大復山在東南淮水所出東南至
淮陵入海過郡四行三千二百四十里青州川右曾案山海經
言淮出餘山在朝陽東義鄉西水經言出胎簪山東北過桐柏
山攷平氏故城在今南陽府桐柏縣西北四十里淮水出縣西
三十里淮井有泉三處湧出卽于池邊伏流地下三十許里東
出桐柏之大復山而東流經今汝甯府之信陽州羅山正陽光
州之息縣光山光州固始安徽潁州府之阜陽霍邱潁上鳳陽

府之壽州懷遠鳳陽臨淮泗州之五河泗州盱眙江蘇淮安府之清河山陽安東入海漢志淮陵蓋淮浦之誤淮浦卽今安東縣也

三洲

傳曰淮上地蘇氏曰始言湯湯水盛也中言潛潛水流也終言三洲水落而洲見也言王之久于淮上而忘反也右曾案水經注曰淮水又東爲安風津津中有洲俗號關洲蓋津關所在故洲納厥稱通校全淮惟此有洲在今霍邱縣北也

傳曰幽王用樂不與德比會諸侯于淮上鼓其淫樂以示諸侯賢者爲之憂傷箋不用傳亦不言會諸侯苟不會諸侯王曷爲作樂于淮上左傳曰周幽爲太室之盟戎狄叛之潁水源于太

室而入于淮憲王既會遂浮潁入淮數穆天子之浮于樂水以
 奏廣樂宣其汰侈于諸侯而不知戎狄之竊發此賢者所以聞
 樂而拊心也正義曰鄭于中候握河注曰昭王之時鼓鐘之詩
 所為作者蓋依三家說右曾案昭王南征無緣流
 連于淮上若作穆王則與左傳
 穆王有塗山之會通合未詳

洛

傳曰洛宗周漑浸水也正義曰宗周鎬京也夏官職方氏正西
 曰雒州其浸渭洛是洛為宗周之浸水也禹貢曰漆沮既從孔
 安國云漆沮一名洛水與東都伊洛別矣王氏曰淮南墜形訓
 洛出獵山注曰獵山在北地西北夷中東南流入渭詩云瞻彼
 洛矣是也說文曰洛水出左馮翊歸德北夷中徐鍇曰歸德當
 作懷德右曾案
 歸德不誤左馮翊當作北地郡耳東南入渭雒州浸括地志曰洛水一名漆沮

水原出慶州洛原縣白於山東南逕鄜丹同三州至華陰北南
流入渭右曾案周語幽王時三川震葦昭曰涇渭洛也史記周
本紀云文王獻洛西之地于紂晉世家云文公攘戎翟居于河
西圖洛之閒漢地理志云北地歸德縣洛水出北蠻夷中入河
左馮翊懷德縣洛水東南入渭離州陵山海經曰白於之山洛
水出于其陽而東流注于渭郡縣志曰白於山一名女郎山在
洛源縣北三十里方輿紀要曰歸德廢縣在慶陽府安化縣東
北百里洛水出合水縣北二十里白於山東經延安府保安縣
西南南經安塞甘泉西鄜州東洛川西南中部東宜君東又東
過西安府耀州西三原東北富平西北白水東又東南經澄城
西南同州西至朝邑縣南而入渭傳箋以洛爲喻與明王恩澤

及于天下呂氏王氏及集傳並以爲東都之水則賦也攷東都
之水字本作雒職方氏隴州浸渭洛豫州川榮雒班志說文俱
依以爲說是雒與洛別也自魏文帝改雒陽之雒爲洛而後雒
洛二字相亂文帝詔見三國志裴松之注今經典皆魏晉後師儒所亂故宋
人有此說其實非也段玉裁曰魚豢云漢火德忌水故洛字去
漢以前皆用雒非
漢去水加佳也

蠻髦

傳曰蠻南蠻也髦夷髦也箋曰髦西夷別名武王伐紂其等有
八國從焉牧誓庸蜀羌髳孔氏曰髳在巴蜀括地志曰姚府以
南古髳國之地有髳州右曾案爾雅疏云蠻者風俗通云君臣
同川而浴極爲簡慢蠻者慢也其類有八李巡云一曰天竺二

曰咳首三曰儵儵四曰跋踵五曰穿胸六曰儻耳七曰狗軹八
曰旁脊新唐書地理志曰鬃州漢越巂地廢鬃州在楚雄府大
姚縣境後漢書西羌傳武王伐商羌鬃率師會牧野則鬃亦西
戎也武德四年置西濮州貞觀十一年更名南接姚州李元陽
曰鬃人今北勝今永北
麗也

謝

傳曰謝邑也黍周之南國也崧正義曰申伯本國近謝今命爲
州牧故改邑于謝雖舊是伯爵今改封之後或進爵爲侯周本
紀曰申侯與西戎共攻幽王彼申侯不過是此申伯之子與孫
耳箋言改大其邑或亦褒進其爵矣王氏曰鄭語桓公曰謝西
之九州何如史伯曰唯謝邠之閒是易取也注曰謝申伯之國

今在南陽謝西有九州二千五百家爲州郊南謝北號卽在焉
右晉案王逸楚辭章句引詩曰申伯番番旣入于徐王符潛夫
論曰申在宛北序山之下故詩曰于邑于序徐序謝俱聲近字
易國語言齊許申呂由太姜然則申之始封其在周興之初其
後中絕宣王改封之謝以續先祀故曰暨暨申伯王績之事又
曰我國爾居莫如南土申城今在南陽府南陽縣北二十里

申國在宛班固王符馬彪說並同

博物記亦云宛有申亭

而劉昭注續

志引荊州記曰棘陽縣東北百里有謝城水經泚水注曰謝
水出謝城北城周迴側水申伯之都也世祖封樊重少子爲
謝陽侯卽此舊棘陽縣治在西此別一謝城世本所云任姓
之謝或在此道元以爲申伯之都非是方輿紀要曰羅山縣

西北六十里有謝城申伯所都羅山漢酈縣地總與左傳以申呂並言者不合

澠池

說文作澠沱

傳曰澠流貌箋曰池水之澤浸潤稻田豐鎬之閒水北流水經注曰酈水又北流西北注與澠池水合水出酈池西而北流入于酈九域志曰京兆府有冰池十道志曰澠池亦名聖女泉右晉案傳訓澠爲流不以爲池名也然晉書太元中苻秦將鄧景奉衆據澠池以擊姚萇則明爲池澤矣豐鎬之閒水北流者迫于南山故也明一統志曰酈水下流合澠池水澠池在西安府城西北二十里西北合于酈水

正義云池上引豐水又決而入豐非是

皇清經解類編卷千四十二終

仁和葉維幹校
上海范本禮校

皇清經解續編卷千四十三

南菁藏書

詩地理徵五

嘉定朱右曾亮甫著

大雅上

摯

傳曰摯國任姓箋曰摯國中女曰太任從殷商之畿內嫁於周
周語曰摯疇由太任注曰摯略二國奚仲仲虺之後太任之家
唐書世系表曰祖已七世孫曰成徙國于摯仲虺居許臣虺祖
已皆其胄裔傳氏曰自彼殷商來嫁于周則摯是殷畿內國有
晉案郡國志注曰汝南平輿有摯亭見說文平輿在今汝甯府
汝陽縣東南

京 京師

傳曰京大也王肅曰大國右骨案爾雅曰絕高爲之京則京本爲邱之高大者皇矣傳曰京大阜此其正訓也以其爲高大之阜借爲大義左傳曰莫之與京公劉篇曰京師之野傳曰是京乃大衆所宜居之也是也白虎通曰京師者千里之邑號也京大也師衆也天子所居故大衆言之春秋傳曰京師天子之居也夏曰夏邑殷曰商邑周曰京師風俗通義曰邱之絕高大者爲京今京兆京師義取于此據此知京師於名起於周實始於公劉之居邠其後世因以爲千里之邑號如皋門冢土制於太王後世因以爲天子之制也此詩言曰于京又言于周于京猶言周之京師耳

箋曰京周國之地小別名也

大京

周地名文王但發其依居

京地之衆以往侵阮國之疆皇正義曰上篇述文王受命之

事而云祿將于京可得以爲京師此王季時爲諸侯子孫追

崇其號不得卽以其居爲京師也右曾案京爲周地本無可

攷所以易傳者但以傳訓京爲大語不明了耳正義駁孫毓

京師之說則有不然者果如疏言則公劉并未追王何以有

京師之名詩詠太任曰嬪于京又曰京室之婦詠太姒則曰

于周于京續女維莘兩世婚娶必舍其國都止于京地此何

故也匪風詩念彼周京念彼京周亦以周京並言此又何義

也

洽陽說文作郃穀梁桓八年傳注引亦作郃

傳曰治水也陸氏釋文云鴻翔有郃陽縣應劭云在郃水之陽

水經注曰郃陽城南有漢水東流注于河水南有文母廟有碑
去城十五里水卽郃水也括地志曰郃陽故城在同州河西縣
南三里郡縣志曰郃水在舊河西縣南五里今郃陽界內右晉
案史記魏文侯築合陽卽郃陽也明一統志曰郃陽縣在同州
東北百二十里郃水經縣北蓋縣非漢舊矣

文王初載天作之合傳曰載識合配也箋曰于文王生有所
識則爲之生配然則太姒少于文王二三歲矣大戴禮文王
世子篇云文王十三生伯邑考十五生武王發許慎五經異
義曰文王十五而生武王武王尙有兄伯邑考是太姒生伯
邑考纔十歲或十一歲耳小戴文王世子篇曰文王九十七
而終武王九十三而終則文王終時武王年已八十三矣

蔡世家曰武王同母兄弟十人武王已克殷封功臣昆弟

康叔封聃季載皆少未得封謂之少年必在十五以下武王

年八十七而克殷

此詩疏本鄭氏說也

而有十五以下之母弟是太姒

之生康叔聃季爲八十餘歲矣

鄭氏謂文王終之明年武王乃生成王而成王又有弟唐

叔是武王入

卜餘有子矣夫男子十六有爲人父之道女子十四有爲人

母之道此古今不易者也男子七十女子六十同藏無開氣

化衰而慾絕也春秋之世人多恣慾故有國君十五生子者

大戴蓋本此以附會之耳周本紀曰古公少子季歷娶太任

生昌有聖瑞古公曰我世當有興者其在昌乎于是太伯虞

仲亡如荊蠻汲冢紀年武乙三十四年周公季歷來朝王賜

地三十里

見御覽

太丁十一年周公季歷伐驩徒之戎捷其三

大夫

見後漢書西羌傳注

自太丁十二年至紂之亡爲六十三年參之

文王享國五十年武王十三年而伐紂則季歷薨於太丁十

一年矣計古公之薨文王必已屈在傅處師之歲故知其足

以興周古公薨年不可知

今紀年云武乙二十一年周公卽

以紀年推之武乙三十四年季歷朝王必始免喪則古公薨

在武乙三十一年也自武乙三十一年至太丁十一年凡

十六歲則文王嗣位年蓋二十餘矣詩曰文王嘉止大邦有

子傳曰嘉美也箋曰文王聞太姒之賢則美之曰大邦有子

女可以爲妃通檢傳箋俱不言時王季猶在白虎通嫁娶篇

曰人君及宗子父母沒自定娶者卑不主尊賤不主貴故自

定之也昏禮記曰親皆沒已躬命之詩云文定厥祥親迎于

渭此魯詩遺說尤足證文王嘉止不言王季之故孫毓之徒
始拘拘大戴說謂此時文王纔十三四孺子耳王季尙在豈
得制定求昏之事穎達駁之謂文王之娶時實幼少但聖人
有作動爲模範此詩歌之大雅以爲正法主于文王之身不
復繫之父母吁是何言歟父在子不得自專苟非瞽瞍之頑
何可不告而娶王季猶在而嘉止定祥造舟親迎一不稟命
於父豈所謂聖人人倫之至乎或曰如子之說何不以文王
初載爲文王卽位之初年曰是固有所不可也禮曰男子三
十而娶女二十而嫁合爲五十應大衍之數生萬物也春秋
穀梁傳曰男二十五繫女十五許嫁感陰陽也標梅卒章傳
曰三十之男二十之女禮未備則不待禮會而行之者所以

藉育民人也毛意以梅落喻年衰由卒章推之則其實三兮爲二十八九之男十八九之女其實七兮爲二十六七之男十六七之女其未落宜據男年二十五女年十五與穀梁傳合聖人定制議道自己二傳雖不言文王文王娶太姒其必年二十五明矣男年二十五則女年應十五而太姒不然故詩著文王初載天作之合兩言以明太姒之少于文王不過二三歲耳所以然者以太姒雖過許嫁之年而其德賢淑故又曰文王嘉止大邦有子也春秋文公二年公子遂如齊納幣公羊傳曰納幣不書此何以書議何議爾議喪娶也娶在三年之外則何議乎喪娶三年之內不圖婚文王嗣位之初年父喪未畢安可圖婚圖婚必在即位三年矣書曰文王受

命惟中身厥享國五十年受命者受牧伯專征殷王之命也
中身者上壽百有二十半之則六十也周書文傳解曰文王
受命九年時惟莫春在郊召太子發則尙書今文說文王受
命七年而崩者非也文王年二十二三而嗣位享國五十年
則崩年七十二三受命之年六十三四故曰惟中身舊解以
受命爲嗣位中身謂年四十七誤於戴記也逸周書柔武解
曰維王元祀大開武解云維王一祀小開武解云維王二祀
寶典及鄆謀解並云維王三祀則尙書說謂武王冒文王受
命之年不改元者非也書序曰惟十有一年武王伐殷作泰
誓武王克殷以箕子歸作洪範洪範曰惟十有三祀王訪于
箕子蓋十一年觀兵十三年殺紂史記宋世家亦曰武王既

克殷訪問箕子明克殷在十三年

周本紀又依今文說

今文說謂九年

觀兵十一年殺紂者非也周書度邑解曰惟天不享於殷發之未生于今六十年則武王受命之時年六十嗣位之年四十有八以文王壽七十三計之則文王年二十六而生武王也康叔聃季爲太姒之少子太姒既少于文王二三歲則其少子當文王崩時亦弱冠矣周書克殷解曰武王既位社南衛叔傅禮能傅禮豈甚幼哉白虎通姓名篇曰文王十子管蔡霍成康南南即聃季皆采也管蔡霍成封于武王則康南亦必受之武王史記云幼未得封者非也善乎邵陽魏默深之言曰語徵實東漢不如西漢西漢不如周秦可謂得治經之凡者矣

莘

傳曰太姒之國世本曰莘姒姓禹後水經注曰郃陽城故有莘
邑唐世系表曰啟封支子于莘括地志曰古嫫國在同州河西
縣南二十里右曾案史記閼天求有莘氏美女獻之于紂卽此
周語曰杞繒由太姒然則莘國後絕改封杞繒二國矣河西故
城在今同州府郃陽縣東四十里

牧野

說文作埒正義曰禮記及詩
作埒野案埒乃埒之譌也

書曰王朝至于商郊牧野乃誓皇甫謐曰在朝歌南七十里郡
國志曰河南朝歌縣南有牧野水經注曰自朝歌以南暨清水
土地平衍據皋跨澤悉牧野之地通典曰衛州汲縣牧野之地
右曾案爾雅曰邑外謂之郊郊外謂之牧牧外謂之野鄭氏聘

禮注云天子畿內百里爲遠郊近郊半之白虎通亦云近郊五十里今牧野去朝歌七十里所謂郊外也

自土

地理志曰右扶風杜陽縣杜水南入渭詩曰自杜師古曰毛詩自土齊詩作自杜言公劉避狄而來居杜與沮漆之地右晉書土杜字通杜陽故城在今鳳翔府北九十里杜陽山杜水並在府東北祝穆方輿勝覽云隴州吳山縣東四十五里有文王城蓋卽漢之杜陽城又岐山縣東二十里亦有杜陽城非是

岐

傳曰踰梁山邑于岐山之下正義曰呂氏春秋云太王杖策而去邠人相連而從之遂成國于岐山之下書傳略說云太王去

邠過梁山邑岐山周人東脩奔而從之者三千乘一止而成三千戶之邑王氏曰地理志云右扶風美陽縣岐山在西北中水鄉周太王所邑皇甫謐云今美陽西北有岐城舊址水經注岐水歷周原下北則中水鄉成周聚水北卽岐山郡縣志云岐山亦名天柱山在鳳翔府岐山縣東北十里右晉書國語云周之興也鸛鳴于岐山呂氏春秋岐山九山之一也漢美陽故城在今乾州武功縣西北又西北則岐山縣也

周原

傳曰周原沮漆之間也箋曰廣平曰原周之原地在岐山之南郡國志曰右扶風美陽有岐山有周城周太王所徙南有周原皇甫謐曰邑于周地始改國爲周通典曰美陽故城在京兆府

武功縣北七里郡縣志曰鳳翔府扶風縣本漢美陽縣地

高氏士奇曰括地志美陽城亦曰太王城亦曰周城寰宇記

曰周城一名美陽城皆誤也水經注云岐水逕周城南歷周

原其北則中水鄉成周聚又東合姜水逕美陽之中亭川又

東逕美陽故城注雍入渭據此則美陽周城截然二地矣周

城在岐山縣之東竟與武功之美陽城中間尙隔扶風一縣

漢時美陽竟甚廣扶風正美陽地故岐得在其西北安得混

爲一地乎通典云美陽治中水鄉城西卽中亭川尤繆右晉

案高氏說是也但周城岐陽亦自有別閭宮篇云居岐之陽

說文邑部郊周大王所封

或作文王誤也

在右扶風美陽中水鄉從

邑支聲杜預云岐陽在美陽縣西北與班志水經注昭台周

城周公之采地王禕周公廟記云周城今爲岐陽鎮遺址猶存廣袤七八里四圍皆深溝南有周原杜預曰周扶風雍縣東北周城也雍縣卽今鳳翔府治今岐山縣在府東五十里其東竟於漢爲美陽縣地其縣治以西於漢則雍縣地陝西通志曰周城在岐山縣西北十五里是周公之采與太王所邑周名則同城地則異方輿紀要云岐山縣東北至邠州百二十里岐山在縣東北十里梁山在縣東北五十里東連乾州界

州故好時縣也括地志梁山在好時縣西北十八里扶風縣在府東百一十里東至乾州武功縣五十里故辨地而命以方曰梁山在邠西南岐周中水鄉在梁山南周公之采在岐周西少北孟子曰雖不殄厥愠亦不隕厥問文王也趙岐注曰言文王不殄絕賦

夷之愠怒亦不能隕失文王之善聲問也帝王世紀云文王受命四年周正月丙子混夷伐周一日三至周之東門是所謂不能殄絕畎夷之愠怒也又曰文王閉門修德不與戰是所謂不能隕失文王之善聲問也拔當如拔本塞原之拔樹械拔而行道成蹊混夷乃疾行逃遁維其困矣此言伐混夷之事也此章傳甚簡而箋又曲說支離不可通起岐皇甫謐說或得毛指

虞

傳曰虞芮之君相與爭田久而不平乃相謂曰西伯仁人也豈往質焉乃相與朝周入其竟則耕者讓畔行者讓路入其邑男女異路斑白不提挈入其朝士讓爲大夫大夫讓爲卿二國之

君感而相謂曰我等小人不可以履君子之庭乃相讓以其所
爭田爲閒田而退郡縣志曰故虞城在陝州平陸縣東北五十
里虞山之上古虞國開原在平陸縣西六十五里卽虞芮讓爲
閒田之所在曾案平陸縣今屬解州在州東南九十里閒原今
名讓畔城

芮

晉太康地記曰虞西百四十里有芮城郡縣志曰芮城在陝州
芮城縣西二十里古芮國右曾案芮城縣今屬解州在州西南
九十里

旱麓

傳曰旱山名也麓山足也王氏曰地理志曰漢中郡南鄭縣旱

山沱水所出東北入漢曹氏曰旱山在梁州之地與漢廣相近故取以興焉寰宇記曰旱山在南鄭縣西南二十里周地圖云山上有雲卽雨右曾集今漢中府南鄭縣西南六十五里有旱山

密

傳曰國有密須氏侵阮遂往侵其王肅曰密須氏姑姓之國也呂氏春秋曰密須之民自縛其主而與文王地理志曰安定郡陰密縣詩密人國括地志曰陰密故城在涇州鶉觚縣西其東接縣城卽古密國郡縣志曰涇州靈臺縣西陰密故城卽古密國右曾案左傳曰密須之鼓文所以大蒐也謂伐密須氏所得之鼓也伏生書傳云文王受命三年伐密須史記同鶉觚縣唐大

寶中改曰靈臺今隸平涼府陰密故城在縣西五十里

靈臺縣南至鳳

翔府扶風縣二百里

侯伯之職救患分裁討舉密也阮也其也皆文王之所謂友
邦素所帥之以事殷者也乃密人始亂使阮徂其是不恭其
職而敢距周也釋此不討縱舉人而莫卹鄰患上違王命下
滋民疾此文王所以赫然震怒者也傳曰侵阮遂往侵其未
嘗以爲周地而王肅云不恭其職敢興兵相逆大國侵周地
述毛而非毛義所以誤者由下文有依其在京侵自阮疆陟
我高岡無矢我陵云云夫我者內之之詞密卽不恭阮其旣
爲與國自必外密須而內阮其且使非國何以曰阮疆此欲
闢鄭而不知所以闢鄭也鄭以阮徂共爲三國說本魯詩無

闕經誼顧謂三國犯周文王伐之密須距義兵違正道正義
從而傳會之謂文王欲侵三國徵兵於密密人距而不從無
論徵兵之事卽如此說是兵端肇於三國而成於文王其不
然一矣鄭意以密阮祖其皆紂之黨故首章箋曰殷崇之君
其行暴亂不得于天心密阮祖其之君又助之謀會不思文
王帥殷之畔國以事紂何惡於紂乃顯然誅紂之黨與助商
之謀臣其不然二矣以阮祖其侵周之故而徵兵於密以報
之於文當曰三國不恭侵阮祖其密距大邦王赫斯怒且果
如此則辱亡齒寒密人距周固無足怪何得以密爲首惡密
人又何以自轉其主以與周其不然三矣且史記大傳悉數
文王用兵之先後未聞其伐阮祖其孫統所譏確不可易其

不然四矣。穎達不惟不能匡其失，又肆爲荒悖之語。謂文王伐混夷，仍以天子之命命將帥，則伐此三國之時，叛殷之形未著，密須在其統內，故得徵兵。是穎達之所謂文王卽曹操所自比之文王，非孔子所稱至德之文王也。非聖誣經不已甚哉！又稱皇甫謐云：文王問太公，吾用兵孰可？太公曰：密須氏疑于我，我可先伐之。管叔曰：不可。其君天下之明君，伐之不義。太公曰：臣聞先王之伐也，伐逆不伐順，伐險不伐易。文王曰：善。遂侵阮祖，其而伐密須。密須之人自縛其君而歸。文王謚之。此言蓋採摭戰國時遺說，傳會成文，不可依據。且亦與經背也。密須，姁姓。文王滅之，其後以封姬姓。土地不異而族姓則殊。國語云：密由伯姁。韋昭疑文王滅密不由姁也。攷

富辰所言鄆鄆聃息鄆盧諸邦皆周世所亡滅周語云恭王
遊涇上密康公從有三女從之其後恭王滅密伯姑蓋卽三
女之一韋昭所疑非也王氏引以證姑姓之密須疎矣

阮

足利本
作祁

張氏曰阮國名在今涇州右曾案地理志安定郡有爰得縣爰
重言之爲阮故城在今涇州東南於密須爲東北也

通志氏族略云阮商諸侯國在岐渭之間蓋探下岐陽渭將
故有此說實無可攷也正義曰王肅云無阮徂其三國孔晁
云周有阮徂其三國見于何書孫毓云文王七年五伐未聞
有阮徂其張融駁之曰晁豈能具數此時諸侯而責徂其非
國也魯詩之義以阮徂其皆爲國名是則出于舊說非鄭創

造攻後漢書伏湛傳曰文王受命征伐五國必先詢之同姓
謀之羣臣云云五國密崇阮徂其也湛蓋本齊詩說則不
獨魯詩以爲國矣毛公所以必訓徂爲往者以下徂旅孟子
引作徂莒則旅明是地名非師旅之旅旅爲地名則徂必非
國且以侵阮其爲密之臯既順文義又可知文王視民如傷
一怒安天下之全量此毛義之精所以高出齊魯也自王肅
以爲周地而傳意晦矣

其

張氏曰涇州今有其池卽其也右曾案其池在今涇州北五里
傳曰密人侵阮遂往侵其遂者繼事之詞明非一國張氏謂
其爲阮國之地非是

旅

孟子作莒

傳曰地名右曾案趙岐孟子注曰文王赫然斯怒于是整其旅以遏止往伐莒者蓋本傳爲說莒亦讀旅旅魯古同段借作鹵地理志安定有鹵縣也

韓非子有文王伐孟克莒舉鄆之語案此蓋別事不見於經今西安府三原縣有孟侯原清鄆原乾州有魯店疑是其處或據以證詩云旅爲密地密孟字同未詳

鮮原

毛音息淺反鄭讀仙善也

傳曰小山別大山曰鮮正義曰孫炎云別不相連也太王初遷已在岐山之陽此亦在岐山之陽去舊都不遠周書稱文王在程作程寤程典皇甫謐云文王徙宅于程蓋謂此也王氏曰地

理志右扶風安陵關關以爲本周之程邑括地志云安陵故城在咸陽縣東二十一里周之程邑右曾案周書和賡解云王出圖商至于鮮原孔晁注曰近岐周之地小山曰鮮路史國名紀云在今咸陽與畢陌接所謂畢程程大昌雍錄云孟子言文王卒于畢郢郢卽程也方輿紀要云唐咸陽故城在縣東二十里則安陵故城當在今咸陽縣東四十里也紀要云在縣東二十里此沿括地之文未攷其又云畢原在縣北五里亦謂之畢陌南北數十里東西寬與實與二三百里卽九嶷諸山之麓也咸陽西北去岐山三百里而得謂之岐陽者蓋岐山迤邐東出盡於涇水隨地異名九嶷谷口亦岐之支派也

崇

箋曰崇侯虎倡紂爲無道通典崇國在京兆府鄠縣右曾案周
本紀云崇侯虎譖西伯于殷紂紂乃囚西伯于羑里閔天之徒
乃求有莘氏美女驪戎之文馬有熊九駟因殷嬖臣費仲以獻
紂乃赦西伯賜之弓矢斧鉞得征伐于是伐崇侯虎而作豐邑
誓大傳亦謂文王伐崇在受命六年皇極經世商受十八年西
伯伐崇二十一年西伯薨文王有聲詩云旣伐于崇作邑于豐
是崇卽豐也

羑里之難史記謂在未受命之前尙誓今文說在受命五年
今文說是也殷傳曰西伯得四友獻寶免于虎口而克耆大
傳曰得三子獻寶紂釋文王而出伐黎鄭注書序本之云紂
聞文王斷虞芮之訟後又三伐皆勝

謂邢密
須大夷

而始畏惡之拘

于美里紂得散宜生等所獻寶而釋文王文王釋而伐之明年伐崇凡讒譖之行必有其端未專征伐文王不過恪恭侯職耳至三伐皆勝天下駸駸歸周崇侯知紂之畏惡之也故譖之曰西伯積善累德諸侯皆嚮之將不利于帝紂信之而囚西伯拘之美里之庫百日以詩書傳記攻之受命四年周正月犬戎侵周其年夏以紂命伐獫狁故詩曰昔我往矣黍稷方華秋移師伐大夷故詩曰嘒嘒草蟲趯趯阜螽赫赫南仲薄伐西戎至明年周四月師還故詩曰春日遲遲采芣苢祁祁執訊獲醜薄言還歸周四月殷三月也文王於是朝殷述職崇侯於是譖西伯紂於是囚之美里故周書程典曰維三月既生魄文王合六州之侯率勤于商商王用宗譖宗當作崇崇侯

怒無疆夫伐密而後遷程宅程而後作程典况比次其月又
相照合乎股本紀據戰國策魯仲連說以成文但云西伯竊
歎崇侯知之以告紂不言其謂周本紀載虎之謂詞而不言
入爲三公脯鬼侯鄂侯之事蓋太史公馳騁古今兼采衆說
傳聞異詞書以存疑互相出入原本未爲定論也程典又云諸
侯不娛逆諸文王文王弗忍乃作程典以命三忠逆謂文王
既釋而逆之也弗忍者不忍從諸侯之請而正王位也夫湯
釋於夏臺有鳴條之役文王出於羑里弗忍從諸侯之請此
湯之所以有愍德而文之所以爲至德也箋疏乃據釋侯以
攷稱王之年不亦誣聖之甚哉

靈臺

傳曰神之精明者稱靈四方面高曰臺正義曰服虔左傳注云天子曰靈臺諸侯曰觀臺僖十五年左傳云秦伯獲晉侯以歸舍諸靈臺杜預曰在京兆鄠縣周之故臺也王氏曰三輔黃圖云靈臺在長安西北四十里高二十丈周四百二十步三輔故事云在豐水東右晉案康志賀述祖統曰夏爲清臺商爲神臺周曰靈臺蓋自文王築臺名之曰靈後遂以爲天子之制如皋門冢土也括地志曰今辟雍靈沼悉無復處所惟靈臺孤立高二丈是臺至唐太宗時猶存也方輿紀要曰鄠城在西安府鄠縣東五里鄠宮又東二十五里卽靈園之地中有靈臺五經異義稱公羊說天子有靈臺以觀天文有時臺以觀四時施化有圓臺觀鳥獸魚鼈諸侯有時臺圓臺皆在國之東南二十五里

東南少陽用事萬物著見用二十五里者吉行五十里朝行莫反也此靈臺在靈囿中未始不可觀四時及鳥獸但所云二十五里則相印合東亦少陽也

靈囿

傳曰囿所以域養禽獸也天子百里諸侯四十里正義曰解正禮耳其文王之囿則方七十里鄭駁異義云同言靈者于臺下爲囿沼則因臺爲名王氏曰黃圖云在長安縣西四十二里右付案春秋正義曰天子曰苑諸侯曰囿然攷周禮囿人注曰謂天子小苑彼疏曰古謂之囿漢謂之苑是古者天子諸侯通曰囿也明一統志曰靈囿在鄠縣東三十里

靈沼

黃圖曰在長安西二十里有晉案玉海引水經注曰豐水北逕
靈臺西文王引水爲辟雍靈沼

辟雍

傳曰水旋邱如璧曰辟雍以節觀者黃圖曰辟雍在長安西北
四十里史記曰豐滹有天子辟池索隱云卽辟雍右晉案五經
異義稱韓詩說曰辟雍者天子之學圓如璧壅之以水示圓晉
辟取璧有德不言辟水言辟雍者取其雍和也所以教天下春
射秋饗尊事三老五更在南方七里之內白虎通曰天子立辟
雍何所以行禮樂宣德化也辟者璧也象璧圓以法天雍者壅
以水象教化流行也王制曰天子曰辟雍諸侯曰泮宮詩訓曰

水圓如璧

此蓋舊詩說

豐

地理志曰右扶風鄠縣豐水出東南北過上林苑入渭說文曰鄠周文王所都在京兆杜陵西南皇甫謐曰豐在京兆府鄠縣東豐水之西文王自程從此孔氏曰從鮮原徙豐豐在岐山東南三百餘里括地志曰豐宮在鄠縣東三十五里通典曰今京兆府長安縣西北靈臺鄉豐水上朱子曰在京兆府鄠縣終南山北右曾案郡國志注稱決錄注曰豐鎬相去二十五里方輿紀要曰在今鄠縣東五里

豐水

箋曰昔堯時洪水而豐水亦氾濫爲害禹治之使入渭東注于河禹之功也豐邑在豐水之西鎬京在豐水之東老子曰豐水

之深一仞而不受塵垢金鐵在中形見于外三輔黃圖曰出鄠
南山豐谷北入渭黃氏曰北至咸陽縣入渭鄠縣志曰豐水出
京兆府鄠縣東南終南山北流逕縣東二十八里北流入渭右
付案水經曰渭水又東豐水自南來注之注曰地說云渭水與
豐水會于短陰山內又長安志長安縣下引水經注曰豐水出
豐溪西北流分爲二水一水東北流又北交水自東入焉又北
昆明池水注之又北逕靈臺西又北至石塢注于渭方輿紀要
曰豐水在西安府西三十里出鄠縣縣在府西南七十里南山谷中漢志
注云原出秦嶺西北經子午谷又得豐谷口水故名焉東北流
逕故長安城西又北至咸陽縣縣在府西北五十里入渭
水在縣東南三里

大雅下

有郃

傳曰郃姜嫄之國也堯見天因郃而生后稷故國后稷于郃命使祀天以顯神順天命耳箋曰后稷成功堯改封于郃就其成國之家室正義曰世本云有郃氏女曰姜嫄此郃爲后稷之母家所以得封后稷者或時君滅絕或遷之他所也王氏曰郡國志云右扶風郃縣有郃亭郡縣志曰故郃城一名武功城在京兆府武功縣西南二十二里古郃國也秦孝公作四十一縣郃武功各其一武功蓋在渭水南今郃縣地右曾案地理志曰右扶風郃縣后稷所封後漢省郃入郃故王恠傳曰宿郃之郃亭晉移武功縣治郃城故杜預曰始平武功縣所治郃城古郃國今武功縣隸乾州卽唐縣也

百泉 流泉

祁縣志曰祁州三水縣以縣界有羅川谷三泉並流故以爲號
陶城在縣西高泉山亦曰甘泉在永壽縣北二十五里有甘泉
通鑑注三水縣有龍泉鎮金史地理志三水縣有清泉鎮方輿
紀要三水縣在祁州東北七十里縣東二里有玉泉縣南三里
爲柏泉自高山湧出縣北爲白馬泉合流爲一亦名汭水永壽
縣西北至祁州七十里高泉山莫谷水原焉本名安陽泉

曹氏曰漢朝那縣屬安定郡隋改爲百泉縣屬平涼郡魏于
其地置原州唐因之百泉溥原卽其處宋唐原州今爲平涼
府東距祁州三百里又今涇州西三十五里有百泉涇州東南至祁
州一百泉眼極多四時不涸距幽已遠疑非詩所詠也
五十里

淵原 隰原

孔氏曰禹貢雍州原隰底績公劉居豳度其隰原以治田是豳
居原隰之野史記正義曰原隰豳州地也郡縣志曰五龍原在
新平縣南三里原側有五泉水因名永壽縣有永壽原宜祿縣
有後水原右曾案其字記邠州理新平縣縣東北有白土原其
東又有陳陽原

涉渭

史記周本紀山公劉自漆沮渡渭取材用正義曰從漆縣漆水
南渡渭水至南山取材木爲用漆水東入渭

皇澗

傳曰皇澗名也正義曰皇澗縱在兩傍而夾之右曾案其字記

甯州眞甯縣大陵水下引水經注大陵小陵水出巡河南殊川西南逕甯陽城故幽詩曰夾其壘澗陵水卽壘澗也案方輿紀要甯州南至邠州百四十三里正甯縣在甯州東百里縣南有大陵小陵水卽九龍川之上源九龍川在州東百二十里一名九陵川自橫嶺流至州西南合奢延川又南流入涇蓋古讀皇橫相似水出橫嶺故曰壘澗今經三水縣北而入涇也

過澗

傳曰過澗名也正義曰過澗橫故在北而嚮之

芮鞠

周禮注作芮坻地理志注韓詩作芮阮案說文無坻字當作阮

傳曰芮水厓也鞠究也箋曰芮之言內也水之內曰隄水之外曰鞠正義曰鞠是水厓之名言其曲水窮盡之處也爾雅厓內

爲隩外爲鞠李巡曰厓內近水爲隩其外爲鞠孫炎曰內曲裏也外曲表也右曾案傳箋之意蓋主過澗而言內則澗之北外則澗之南也

夏官職方氏雍州其川涇芮注云汭在豳地詩大雅公劉曰汭坻之卽地理志曰右扶風汧縣芮水出西北東入涇詩芮隄雍州川也師古曰韓詩作汭泥然則鄭注周禮亦用韓詩矣蘇氏曰芮鞠芮水之外也朱子曰芮水名出吳山西北東入涇胡氏曰涇屬渭汭傳曰水北曰汭春秋傳注曰水之隈曲曰汭說文汭水相入也蓋兩水相入其水會襟帶處必有隈曲涇水東南流至邠州長武縣東芮水自平涼府靈臺縣界流逕縣南而東注于涇公劉所居故豳城正在二水相會

內曲之處及其後人衆則又營其外曲以居此皆本韓詩爲說今攷汭水源流隋志安定郡華亭縣有汭水通典邠州宜祿縣有汭水郡縣志涇州良原縣汭水一名宜祿川西自隴州華亭縣流入寰宇記引水經注曰芮水出小隴山其川名汭隴州汭源縣芮水又東逕宜祿縣俗謂之宜祿川水邠州宜祿縣通典亦此方輿紀要芮水出鳳翔府隴州西四十里弦蒲藪東北流入平涼府華亭縣南又東北逕崇信縣北至涇州城北又東南過長武縣北而東流合于涇水是也但公劉崎嶇戎狄立國幽谷竟必不廣且幽城在涇水東汭水在涇水西詩不言涇豈得越涇而居芮此毛傳之精所以勝於韓詩也

凡

箋曰凡伯周同姓周之胄也入爲王卿士正義曰左傳云凡
蔣邢茅胙祭周公之胄也世在王朝蓋畿內之國杜預曰汲郡
共縣東南有汎城共縣于漢屬河內郡王氏曰郡縣志云故凡
城在衛州共城縣西二十里古凡伯國右曾案郡國志曰河內
其縣有汎亭劉昭注曰凡伯邑水經注曰在共縣西南今衛輝
府輝縣西南二十里汎城是也通典云在衛州
黎陽縣北非是

鬼方

傳曰遠方也正義曰易既濟九三高宗伐鬼方三年乃克象曰
億也言疲憊而後克之明鬼方是遠國也王氏曰漢書匡衡傳
云成湯化異俗懷鬼方大戴禮帝繫曰陸終氏娶于鬼方氏漢
五行志注曰鬼方絕遠之地一曰國名後漢書西羌傳曰武丁

征西戎鬼方竹書紀年曰周公季歷伐西落鬼戎文選注世本注並云鬼方于漢則先零戎是也右曾案地理志曰金城郡臨羌縣西北塞外有徼海鹽池水經注曰龍夷城故西零之地十三州志曰城在臨羌新縣西三百一十里西零卽先零今青海也詩經類考曰今貴州有羅鬼夷未詳

芮

箋曰芮伯畿內諸侯王卿士也字良夫正義曰書序云巢伯來朝芮伯作旅巢命武王時也顧命同召六卿芮伯在焉成王時也桓九年王使虢仲芮伯伐曲沃桓王時也此又厲王之時世在王朝常爲卿士書敘注云芮伯周同姓國杜預云芮國在馮翊臨晉縣則在西都畿內也王氏曰地理志曰左馮翊臨晉縣

芮鄉故芮國通典云同州薦翊縣古芮國右曾案今同州府朝邑縣有南芮鄉北芮鄉

仍

箋曰仍叔周大夫也右曾案畢沅曰古仍任通用春秋桓五年仍叔穀梁作任叔左傳曰夏桀爲仍之會又曰有仍氏生女是仍古國名又昭二十二年傳曰王師軍于任人則其地在洛陽也

嶽

傳曰嶽四嶽也東嶽岱南嶽衡西嶽華北嶽恆堯之時姜氏爲四伯掌四嶽之祀述諸侯之職于周則有甫有申有齊有許也箋曰四嶽主方嶽巡狩之事在堯時姜姓爲之歷虞夏商世有

國上周之甫也申也許也齊也皆其苗胄正義曰風俗通云泰山山之尊一曰岱宗岱始也宗長也萬物之始陰陽交代故爲五嶽長衡山一名霍言萬物霍然大也華變也萬物成變由于西方也恆常也萬物伏北方有常也右曾案岱在今泰安府泰安縣北衡在今衡州府衡陽縣北華在今華州華陰縣南恆在今定州曲陽縣西北周語曰其工之從孫四岳佐禹昨四岳國命以侯伯賜姓曰姜氏曰有呂鄭語曰姜伯夷之後也伯夷能禮于神以佐堯者也蓋堯之初四岳義和爲之義和死伯夷以秩宗代之未知其爲何岳也舜咨四岳以命秩宗明是時四岳猶義和爲之

郈

傳曰郿地名箋曰時王蓋省岐周故于郿云正義曰郿于漢屬右扶風在鎬京之西申在鎬京之東南自鎬還申塗不經郿時蓋自岐遺之故餞之于郿曹氏曰先王之廟在岐周申伯受封則策命于先王之廟故王在岐而飲餞于郿江漢言召虎之封亦曰于周受命郿縣志曰郿本秦縣今縣東十五里有故城周天和元年築在渭水南南當斜谷右曾案今郿縣在鳳翔府東南百四十里故城在東北渭水之北自岐周言之則在其南少東也

樊

傳曰仲山甫樊侯也正義曰周許樊仲山甫諫宣王韋昭云食采于樊左傳晉文公定襄王王賜之樊邑則樊在東都畿內也王氏曰左傳注云樊一曰陽樊野王縣西南有陽城右曾案在

今懷慶府濟源縣東南三十八里

韓

傳曰韓之先祖武王之子也水經注曰聖水逕方城縣故城北
又東南逕韓城東詩溥彼韓城燕師所完王錫韓侯其追其貊
奄受北國王肅曰今涿郡方城縣有韓侯城世謂寒號城非也
魏書地形志曰范陽郡方城縣有韓侯城括地志曰方城故城
在幽州固安縣南十里李氏曰溥彼韓城燕師所完涿郡乃燕
地也右晉案顧氏日知錄曰其追其貊乃東北之夷而縣父之
靡國不到亦謂韓土在北陲之遠王符潛夫論曰昔周宣王時
有韓侯其國近燕故詩云晉彼韓城燕師所完韓西亦姓韓爲
衛滿所伐遷居海中漢時去古未遠當有傳授固安縣今屬瀕

天府

詩之韓與左傳韓原之韓異而俱與今陝西之韓城縣無涉
詩之韓國左傳所謂邗晉應韓武之穆也國語所謂武王之
子應韓不在其在晉乎國在職方并州其後在漢有辰韓馬
韓之屬謂之三韓韓原之韓左傳所謂霍楊韓魏皆姬姓也
而晉滅之地理志所謂韓武子食采于韓郡國志所謂河東
郡河北縣有韓城杜預所謂韓國在河東郡界也國在職方
冀州滅于晉武公左傳云武獻以下兼國多矣又桓三年傳武公伐翼韓萬御戎萬即武子也則滅韓
在此年前白鄭氏箋詩誤以晉之梁山爲韓之梁山韋昭解國語
誤以宣王命韓侯爲即晉所滅之韓於是輾轉糾紛張華博
物志遂云夏陽有韓原韓武子采邑隋世因之置韓城縣而

說地者固不以爲據豈知案之經傳不可通邪以詩言之其
辨有四茫茫禹迹蓋爲九州封九山決九川陂九澤越九原
九州之內誰非禹甸古公踰梁山在好時矣爾雅梁山之犀
象在南方矣莊子之呂梁在彭城矣漢書梁孝王傳梁山在
東平矣禹貢呂梁在離石矣此皆章章經史者其餘不可悉
數不得謂夏陽之梁山爲禹所甸幽并無梁山卽有之非禹
所甸也辨一也晉都絳邑而云甸侯若韓在河東與晉鄰比
當亦甸侯芮居臨晉而云圻內若韓在夏陽與芮接壤應云
畿內而詩云因是百蠻傳曰長是蠻服之百國何哉以曹爲
伯甸去王城八百里例之則蠻服應去宗周三千四百里卽
每服二百五十里計之侯甸男采衛蠻六服一千五百其非
里宗周圻內八百里半之爲四百里亦煩一千九百里其非

河東夏陽明矣辨二也韓侯出祖出宿于屠說文廓在馮朔
郇陽郇陽距韓城不盈百里距河北縣不盈二百里而去鎭
京則三百里而遙韓侯已反國及郊顯父猶追饒之乎辨三
也春秋梁伯國在韓城縣南二十里梁山梁之所以名也僖
公十九年梁亡入秦謂之少梁文公十年晉人伐秦取少梁
而梁山入晉爾雅作於春秋之末故云梁山晉望也括地志
曰韓城在同州韓城縣西十八里夫準之周禮韓侯爵封當
四百里梁伯爵封當三百里乃今二國之都相距數里卽滕
郇小國猶不至此可信乎不可信乎地理志明云左馮翊夏
陽故少梁秦惠文王更名梁山在西北無故韓國之說也辨
四也若夫追貊北國非夏陽之所接燕去同州二千餘里非

量地任力之法則亭林已詳哉言之矣以左傳言之其辨亦有四晉之兼并載于傳者閔元年滅耿霍魏僖五年滅虢虢其荀賈焦楊韓不知何年并於晉僖十五年傳言惠公許秦賂河外列城五東盡虢略南及華山內及解梁城河外者南河之外也觀僖三十年傳許君焦瑕及華山虢略可見若此時晉已有河西何不以河西地予秦而韓萬見于桓三年傳則韓之入晉久矣辨一也釋例韓韓原宗邱三名一地集解宗邱近在宗邑則非河西地可知辨二也傳敘韓原之戰上言涉河下言寇深則非河西地又可知辨三也晉語敘戰韓之後云穆公歸至于王城王城在今同州府朝邑縣東又東與山西蒲州府以河爲界則知左傳涉河卽朝邑之河所謂

蒲津關者也朝邑在同州府東三十里韓城在同州府東北
二百二十里若戰于韓城則秦師之歸當取道澄城不至朝
邑其辨四也是則韓城之韓無與于毛詩左傳明矣或曰是
則然矣然鄭氏韋昭杜預之倫咸以晉所滅者卽武穆之裔
則安知詩之韓國不在河東彼夏陽之梁山或跨河而有之
未可知也曰茲所謂惑者矣武王光宅天下兄弟之國十有
五人同姓之國四十人豈能悉數之乎且燕分南北號有東
西徐別隗嬴越殊芊妣則何以必其無二韓也河東爲同姓
之韓封自武王涿郡爲武穆之韓封于成王惟成王之世侯
甸已無閒壤故國唐叔於太原疆以戎索封武穆於并域因
時百蠻詩曰續我祖考又曰先祖受命親昵之詞不殊命文

侯之昭乃顯祖也同姓之韓滅於晉春秋之韓氏六國之韓王其裔也史記韓世家曰韓之先與周同姓姓姬氏其後苗裔事晉得封于韓原曰韓武子索隱曰系本及左傳舊說皆謂韓萬是曲沃桓叔之子晉之支庶國語宣子謝叔向曰自桓叔以下嘉吾子之賜亦言桓叔是韓之祖也今以韓侯之後別有桓叔非關曲沃之桓叔右曾案晉世家云三晉滅晉靜公遷爲家人晉絕不祀如韓是曲沃之裔則晉祀猶未絕也使河東爲武穆所封太史公不應於吉甫所詠富辰所言概置不道而但據叔侯一語明爲同姓此可見毛傳史記相爲表裏西漢人之聞見大抵相同矣且河北縣於詩爲魏國十畝之閒已傷陘隘魏侯逼處安得川澤許許而大唐虞虞虞而多夏陽渡河爲河津榮河二縣河津則耿國所處榮河乃魏之睢地韓安得越之而有梁山哉至若燕師北國追貊百蠻之室礙者

河北與夏陽同也實事求是自不得違王肅而從鄭氏矣

梁山

右曾案顧氏曰史記燕世家易水東分爲梁門水經注亦云灤水逕良鄉縣之北界歷梁山南高粱水出焉是所謂奕奕梁山者矣方輿紀要曰良鄉故城在涿州北四十里房山縣本良鄉縣地高粱河在昌平州西

魏劉靖造良陵過碑云登梁山以觀源流

地理志左馮翊夏陽梁山在西北括地志在同州韓城縣東南十九里薛氏禹貢解曰梁山在同州韓城縣而乾州好時縣亦有梁山在郿岐間非禹貢之梁山曹氏曰禹治水自壺口循梁山而西九域志在龍門南案辨已見上

屠

說文云鄆左馮翊郿陽亭李氏曰同州屠谷王氏曰今日茶谷右曾案方輿紀要曰茶峪渡在同州郿陽縣東河西故城南南去郿浮渡里許通山西榮河縣界

汾王

傳曰汾大也箋曰厲王也厲王流于氐在汾水之上故時人因以號之猶言莒郊公黎比公也正義曰釋詁云墳大也墳汾音同王肅云大王王之尊稱也肅雖申毛傳其意亦爲厲王以宣王之前唯厲王耳氐於漢河東永安縣也西臨汾水郡縣志曰汾水逕霍邑縣西二里周厲王陵在縣東北二十五里右曾案霍邑縣今平陽府霍州也厲王葬汾水旁故曰汾王猶楚之若敖訾敖也

燕

王肅曰北燕國地理志曰廣陽國薊縣故燕國召公所封括地志曰燕山在幽州漁陽縣東南六十里國都城記云地在燕山之野故國取名焉曹氏曰武王子初封于韓其時召康公封于北燕實爲司空王命以燕衆城之右魯案古薊縣在今順天府治東偏自府西南至固安縣百二十里

箋訓燕爲安言古平安時衆民之所築完夫列國之城誰非築於平安之世何足爲韓異近人或言康公城韓猶穆公城謝未嘗不役本國之人特以召公統之故旗幟官司一以燕爲號信如此言則烝民何不云樊師徂齊黍苗何不云肅肅謝功召師營之乎

百蠻

傳曰長是蠻服之百國也右曾案周制王畿之外有九服蠻服其第六服也賈公彥曰蠻者縻也以近夷狄縻繫之以政教自此以上六服是中國之九州也王制州建二百一十國通率六服凡有一千六百八十國每服有二百七十餘國以四約之爲六十七國有奇言百蠻舉成數也因是蠻服而爲之長言韓之先祖有德受侯伯之命也今西安府距京師二千六百五十里古里短今里長故數不同也

箋曰州界外接蠻服因見使時節百蠻貢獻之往來鄭意以韓在夏陽不可謂之蠻服百蠻卽下文追貊故云爾也但皋陶謨云外薄四海成建五長曲禮云其在東夷北狄西戎南

蠻雖大日子則蠻夷自有君長侯伯主治州內豈得爲彼之
長因見使時節百蠻漢之邊郡太守蓋如此若以中國官司
主領蠻夷於漢則戊己校尉護羌校尉之例非毛帽亦非鄭
意也疏乃強而合之謂蠻服者蠻夷之在服中于周禮則夷
服鎮服雖自有長而來則由于中國其時節早晚執贊多少
之宜皆請于州牧故稱長是其述毛乃強毛以從鄭也又曰
來則使人致之于王往則使人送之返國制其貢獻之數爲
其來去之節是其述鄭又以漢之戊己校尉護羌校尉責之
恐亦非鄭意耳

追貊

傳曰戎狄國箋曰其後追也貊也爲蠻狃所逼稍稍東遷正義

曰職方掌四夷九貉鄭志答趙商曰九貉卽九夷也又秋官貉
隸注云征東北夷所獲是貉者東夷之種而分居于北故爲韓
侯所統至于漢氏之初其種皆在東北于并州之北無復貉種
王氏曰說文貉北方多種也孔氏云貉之爲言惡也爾雅疏云
狄類獾貉漢高祖四年北貉燕人來致梟騎助漢師古曰貉在
東北方三韓之屬皆貉類也後漢傳有貉耳小水貉獾貉之類
東夷之貉也右曾案周書王會解曰周頭輝玆輝玆者羊也孔
晃注曰周頭海東地名蓋卽追也又曰穢人前兒前兒若獼猴
立行聲似小兒注曰穢韓穢東夷別種山海經曰獼國在漢水
東北地近于燕漢書元朔元年東夷歲君南閭等降置蒼海郡
服虔曰穢貉在辰韓北高句驪沃沮之南東窮大海晉書東夷

傳夫餘國在元菟北千餘里有穢城本穢貊之城也是所謂貊也計周時追貊當在今宣化府以東北塞外故漢初貉與燕人來獻馬後漸東徙而韓侯之裔亦已爲貉矣

北國

箋曰北面之國正義曰職方氏正北曰并州言受王畿北面之國當是并州牧也右曾案并州山鎮恆山澤藪昭餘祁川瑋池嘔夷浸淶易則自今山西太原府以東至直隸順天正定之竟皆古并州之域固安韓城正是其處而夏陽河北之謬益可知矣

淮夷

傳曰淮夷東國在淮浦而夷行也正義曰禹貢徐州淮夷蠙珠

春秋時淮夷病杞齊桓公會于淮以謀之左傳謂之東略是在東國昭四年楚子會諸侯于申而淮夷與焉是淮夷爲國號大別之南漢與江合漢書地理志大別在廬江安豐縣則在揚州之竟江自廬江東北流順之而行將至淮夷乃北行嚮之也如此則召公伐淮夷當在淮水之南魯僖所伐淮夷應在淮水之北當淮之南北皆有夷也王氏曰後漢東夷傳殷武乙癸桀東夷浸盛遂分遷淮岱漸居東土周公征之遂定東夷厲王無道淮夷入寇王命虢仲征之不克宣王復命召公伐而平之陳氏曰江漢之潁王命召虎是淮南之夷也率彼淮浦省此徐土是淮北之夷也呂氏曰會江漢諸侯之師以伐之嚴氏曰江漢之潁指江北接淮南之地又曰淮夷最難服從化則後學倡亂則

先勦周人經理淮夷用力最多成王初年淮夷同三監叛其後又同奄國叛伯禽就封又同徐戎以叛至厲王之時四夷交侵宣王一命吉甫北方旋定繼命方叔伐蠻荆其後又命召穆公平淮南之夷又命皇父平淮北之夷蓋南方之役至再至三江漢常武所以爲宣王之終事也李氏曰觀費誓是淮夷世爲患右曾案周書曰二叔及殷東徐奄及熊盈以畔又曰凡所征熊盈族十有七國書序曰武王崩三監及淮夷叛周公相成王將黜殷作大誥成王東伐淮夷遂踐奄作成王征成王既黜殷命滅淮夷還歸在豐作周官然則熊盈其卽淮夷乎成王踐奄滅淮夷而後封伯禽費誓曰徂茲淮夷徐戎並興蓋成王崩滅之餘至此又蠢動也淮南之邑召穆公平之春秋昭四年會楚

于申亦此夷也淮北之夷南仲及皇父征之魯頌曰淮夷攸服
春秋僖十三年會于鹹淮夷病杞故十九年宋公用鄆子欲以
屬東夷昭二十七年傳季氏得其民淮夷與之亦此夷也蓋自
今江蘇揚州淮安以北沿海之地至山東沂州青州之東皆古
淮夷所錯處也

程

傳曰程伯休父始命爲大司馬楚語曰重黎氏世敘天地其在
周程伯休父其後也當宣王時失其官守而爲司馬氏郡國志
曰雒陽有上程聚古程伯休父之國右曾案在今河南府洛陽
縣

淮浦 淮濱

傳曰浦澨也濱澨說文曰浦水瀕也李巡曰墳謂厓岸狀如墳墓右晉案淮浦地漢立縣屬臨淮郡今爲淮安府安東縣淮水經縣南東入海淮濱卽淮浦也

徐土 徐方

正義曰徐土當謂徐州之地曹氏曰禹貢徐州東至海北至岱南及淮其地廣人衆矣若淮夷則東夷之種散處淮浦者爾此先伐淮夷次征徐國蓋先其小而易者後其大而難者陳氏曰徐大而淮夷小淮夷卽徐州之夷而服屬于徐曰徐方者兼徐淮而言之曰徐國者特言徐戎也右晉案周無徐州青州卽徐州之地此言淮北之夷而云徐土徐方者主徐國而言猶言三齊三楚也淮夷從徐爲亂故率彼淮浦省此徐土卽所以震驚

徐方淮夷既殄而徐自孤立無援矣

徐國

地理志曰臨淮郡徐縣故國盈姓王氏曰伯益佐禹有功封其

子若木于徐郡縣志曰大徐城在泗州徐城縣北三十里徐子

國淮水西南自虹縣界流入

今徐城省爲鎮入臨淮

右晉案左傳疏賈逵

曰徐卽淮夷服虔曰一云魯公所伐徐戎也路史柏翳子若木

事夏後有費昌爲湯御費仲事紂其立于淮者爲嬴氏夏世有

調王命以徐伯主淮夷周初僭稱王又曰自若木至偃王三十

二世爲穆王所滅後復封其子宗爲徐子魯昭公三十年吳滅

之大徐城今在泗州東南

段氏據說文魯東有邾城邾爲徐之或體魯世家頃公十九

年楚伐我取徐州徐廣謂徐州在魯東索隱云說文邾邾之下邑在魯東則徐戎與魯擊櫟相聞故曰東郊不開案春秋築臺于辟辟邾聲轉字易在周初於此容或有戎若徐國則斷在臨淮不在魯東也林氏曰周文武興于西土化行于南故西南夷最先服牧野之戰庸蜀羌髳微盧彭濮已皆從征及成王卽政天下已平矣然東夷徐奄猶興兵以叛故徐雖伯翳之後而俗染于夷一叛于三監流言之日再叛于伯禽撫封之時至穆王稍有荒淫而偃王者遽爾僭號洎宣王撥亂而釋騷于南國者又徐也及徐微弱而東南之鴟張僭竊荆楚吳越相繼興矣